



Fylkesmannen i Hordaland

Saksbehandlar, telefon
Tor G. Turøy, 55 57 22 22

Vår dato
29.03.2017
Dykkar dato
14.03.2017

Vår referanse
2017/4267
Dykkar referanse
16/937 - 17/5109

Meland kommune
postmottak@meland.kommune.no

Statleg tilskot for 2017 til vidareføring av to stillingar ved barneverntenesta

I 2016 hadde Meland kommune til rådvelde 1 400 000 kroner i statleg tilskot øyremerka til å vidareføre styrkinga av barnevernet i kommunen, sjå tildelingsbrevet vårt av 19. mai 2016. Inkludert i dette beløpet er 151 467 kroner som er føreset overført frå 2015. Styrkinga gjeld to permanente stillingar som Meland kommune oppretta med statlege midlar i 2011 og i 2013.

I følgje rekneskapstala som vi har mottatt brukte Meland kommune i alt 1 205 879 kroner på lønsutgifter til dei aktuelle stillingane i 2016. Rekneskapen vart revidert den 10. mars 2017 av revisjonssjef Reidar Bjørsvik.

Fylkesmannen legg difor til grunn at Meland kommune i fjor nytta 1 205 879 kroner av dei statlege tilskotskronene som kommunen hadde til rådvelde, og at 194 121 kroner ikkje vart nytta i 2016. Vidare legg vi til grunn at desse 194 121 unytta kronene vert overførte til bruk i barnevernstenesta i 2017, og at årets statlege løyving vert tilsvarende redusert.

Ordninga med styrkingsmidlar til barnevernet over statsbudsjettet kapittel 854 post 60 er ført vidare i 2017. Statstilskotet til to stillingar utgjør inntil 1 435 000 kroner. Etter fråtrekk av dei pengane som ikkje vart nytta av fjorårets løyving, får Meland kommune **1 240 879 kroner** i statleg tilskot i 2017. I lag med dei overførte pengane frå 2016 disponerer Meland kommune inntil 1 435 000 kroner som skal brukast til å finansiere vidareføring av dei stillingane som kommunen har fått statleg tilskot til å opprette. Det er ein føresetnad at Meland kommune ikkje reduserer stillingane i det kommunale barnevernet i 2017. Tilskotet for 2017 vil bli utbetalt når Fylkesmannen har mottatt vedlagde stadfesting i underskriven stand.

Tilskotet skal nyttast til løn og lønsrelaterte utgifter, som inkluderer overtidsgodtgjering, kompensasjon for ubekvem arbeidstid, feriepengar, arbeidsgjevaravgift, pensjonsdel, og eventuelle andre sosiale utgifter. Tilskotet dekkjer ikkje overhead/administrasjonsutgifter, telefonutgifter, kontorutgifter, reiseutgifter eller godtgjering for bruk av eigen bil.

Tilskotet skal i utgangspunktet nyttast i 2017. Tilskotsmidlar som ikkje vert brukte i år kan likevel overførast til neste år dersom stillingane vert vidareført. I tilfelle vil ei eventuell statleg løyving neste år bli tilsvarende redusert.

Meland kommune skal sende revisorattestert rekneskap for bruken av tilskotsmidlane for 2017 til Fylkesmannen innan 31. mars 2018. Kopi av tildelingsbrevet skal leggest fram for revisor i lag med rekneskapen. Dersom rekneskap og revisorattestert ikkje vert levert, kan

tilskotet krevjast tilbakebetalt. For tilskot på mindre enn 100 000 kroner er det til vanleg ikkje krav om revisoruttale.

Fylkesmannen og Riksrevisjonen har rett til å kontrollere at løyvinga vert nytta etter føresetnadene, sjå statens løyvingsreglement § 10 andre ledd. Fylkesmannen har fått i oppgåve å kontrollere at tilskotet vert brukt i tråd med føresetnadene. Rekneskapen må difor setjast opp på ein slik måte at lønsutgiftene til to stillingar kjem fram, og bruken av tilskotsmidlane kan haldast saman med reglane for tilskotsordninga. Dersom pengane ikkje vert nytta etter føresetnadene, skal dei tilbakebetalast til statskassa.

Vi ber om at referansenummeret vårt, 2017/4267, vert påført framtidig korrespondanse som gjeld tilskotet for 2017.

Med helsing

Rune Fjeld
ass. fylkesmann

Tor G. Turøy
seniorrådgjevar

Brevet er godkjent elektronisk og har derfor ikkje underskrifter.

Stadfestinga skal snarast sendast i retur til:

Fylkesmannen i Hordaland
fmhopostmottak@fylkesmannen.no

Eventuelt per brevpost til:
Postboks 7310
5020 Bergen

Fylkesmannens referanse: 2017/4267

STADFESTING

Organisasjonsnummer:

.....

Kommunennummer:

.....

Kontonummer:

.....

Namn, postadresse og telefonnummer ansvarleg leiar for den kommunale barneverntenesta, eventuelt økonomiansvarleg:

Meland kommune har fått tilsegn om statleg tilskot på **1 240 879 kroner** for budsjettåret 2017 til vidareføring av to stillingar i barneverntenesta. Det er ein føresetnad at Meland kommune ikkje reduserer stillingane i barnevernet i 2017.

Meland kommune stadfester med dette å ha lese og godtatt vilkåra som er sett i Fylkesmannens brev av 29. mars 2017.

.....
stad	dato	ansvarleg leiar

Stadfestinga skal underteiknast av rådmannen eller den som har fullmakt frå rådmannen

